

SCRIPT OF EVENING GOJRI NEWS BULLETIN 16FEB 2026

1700HRS

اوننگ گوجری نیوز بولیٹن 16 فروری 2026

یوہ آکاشوانی جموں بے ظفر اقبال تے نصرت تیں خبر سَنو۔

HEADLINES

۱۔ مرکزی وزیر داخلہ امت شاہ نے اج کہیو کہ جموں کشمیر مستقل امن غی طرف بد رہیو ہے، کیونجے دفعہ 370 غی منسوخی تیں بعد، تشدد غا واقعات مانہ نمایا کمی آئی ہے۔

۲۔ نائب وزیر اعلیٰ سریندر کمار چودھری نے اج جموں مانہ اسمبلی کمپلیکس غی نوی عمارت غا تعمیراتی کم غو جائیزو لیو۔

۳۔ مرکزی وزارت قانون و انصاف پلکیں جموں کشمیر مانہ ایک علاقائی ورکشاپ غو انعقاد کررئی ہے جس گو مقصد تکنیک غے ذریعے قانونی خدمات تک، عوام غی رسائی نانہ مضبوط بنانو ہے۔

۴۔ چیف سیکرٹری اٹل ڈلو نے اج آفات تیں متاثرہ خاندانان نانہ بروقت تے موثر امداد فراہم کرن غی ضرورت ور زور دتو۔

۵۔ محکمہ موسمیات نے کہیو کہ جموں کشمیر مانہ 26 فروری توڑی موسم زیادہ تر خشک رہن غا امکان ہیں۔

SHAH J&K PEACE

مرکزی وزیر داخلہ امت شاہ نے اج کہیو ہے جے جموں کشمیر مستقل امن غی طرف بد رہیو ہے اس گل ور زور دیتا واں کہیو جے دفعہ 370 غی منسوخی تیں بعد، تشدد غا واقعات مانہ نمایا کمی آئی ہے۔ دہلی پولیس غا 79 واں یوم

تاسیس غی تقریبات سنگ خطاب کرتا واں جناب شاہ نے کہیو ہے جے ملک غا اندرونی سلامتی غا منظر نامہ مانہ ماضی غا مقابلہ مانہ ایک غیر معمولی تبدیلی دیکھن مانہ آئی ہے۔ اس سلسلہ مانہ بولتا وا وزیر داخلہ امت شاہ نے کج

اس طرح کہیو..... وزیر داخلہ نے یاہ گل وی کنی کہ جموں کشمیر مانہ تشدد غا واقعات مانہ 80 دی صد توں زیادہ غی کمی آئی ہے اُنہاں نے مزید کہیو جے

حکومت قومی سلامتی نانہ مضبوط بنان تے جموں کشمیر مانہ پائیداد امن تے ترقی نانہ یقینی بنان واسطے وعدہ بند ہے۔

○○○○○○○○○○○○○○○○○○○○

DY CM INSPECTION

جموں کشمیر غا نائب وزیر اعلیٰ سریندر کمار چودھری نے اج اسمبلی کمپلیکس غی نوی عمارت غا تعمیراتی کم کاج غو معائنو کیو جھیڑو گزشتہ کج سالان تیں

رُکیو وی تھو۔ اُنہاں نے کہیو جے اگلا سال اکتوبر مہینہ توڑی اس تعمیراتی کم غا مکمل ہون غا امکان ہیں۔ اس سلسلہ مانہ بولتاں واں نائب وزیر اعلیٰ نے اس

طرح کہیو..... جناب سریندر چودھری نے محکمہ گا مجموعی کم کاج غو جائیزو لین واسطے ایگزکیٹیو انجنیئرنگ پی۔ایم۔جی۔ایس۔وائی جموں گا دفتر غو اچانک معائنو

کیو، انہاں نے حاضری گا اصولاں ور سختی سنگ عمل کرن ور وی زور دتو تے
عام لوکاں نانہہ فوری موثر خدمات غی فراہمی کرن ور زور دتو۔

LAW MINISTRY WORKSHOP

مرکزی وزارت قانون و انصاف پلکیں جموں کشمیر مانہہ ایک علاقائی ورکشاپ غو
انعقاد کرنی ہے جس گو مقصد تکنیک غے ذریعے قانونی خدمات تک، عوام غی
رسائی نانہہ مضبوط بنانو ہے۔ وزارت غے مطابق، اس ورکشاپ غو مقصد اہم
متعلقہ فریقین غے بشکار با معنی گفتگو نانہہ فروغ دینو ہے۔ اس موقع ور دشا
یعنی انصاف توڑی جامع رسائی واسطے جدید حل غی تیاری غا پروگرام غو
نفاذ تے عوامی رابطہ غا اہم ذرائع نانہہ وی اجاگر کیو جے غو قانون و انصاف
غا مرکزی وزیر مملکت اس تقریب مانہہ مہمان خصوصی وین گا۔ جد کہ، چیف
جسٹس ہائی کورٹ جموں کشمیر تے لداخ، جسٹس ارون پلی مہمان اعزاز وین غا۔

GOC KISHTWAR VISIT

جی۔او۔سی غا وائٹ نائٹ کور نے جی۔او۔سی، سی۔آئی۔ایف، ڈیلٹا غے ہمراہ انسداد
دہشت گردی نیٹ ورک غو جائیزو لین تے تعینات یونٹاں غی آپریشنل تیاریاں غو
جائیزو لین واسطے کشتواڑ ضلع غا عام علاقہ غو دورو کیو انہاں نانہہ حفاظتی
اقدامات غی موجودہ صورتحال تے حفاظتی نظام تے ایجنسیاں غے بشکار تال میل
نانہہ مضبوط بنان غا اقدامات غا بارہ مانہہ وی جانکاری دتی گئی۔

SUCCESS STORY UDH

دیہی خواتین نانہہ باختیار بنان واسطے ایک اہم پیش رفت مانہہ ضلع ادھمپور
غی سلگار پنچائیت غی سنیتا دیوی نے ڈیری فارمنگ غے ذریعے ایک متاثر کن
مثال قائم کی ہے۔ 2 سال پہلاں، صرف 2 گاں سنگ شروع کیو گئو یوہ، تجارت بن
دودھ غی پیداوار غو ایک کامیاب تجارتی مرکز بن گئو ہے پیش ہے اس بارہ
مانہہ مارا نمائندہ غی یاہ رپوٹ.....

CS DISASTER MGT

چیف سیکرٹری اٹل ڈلو نے اج آفات تیں متاثرہ خانداناں نانہہ بروقت تے موثر
امداد فراہم کرن غی ضرورت ور زور دتو۔ وہ آفات تیں نمٹن، امداد، بحالی تے
تعمیر نو بارے محکمہ غا ریاستی ایگزیکٹو کمیٹی غا چوتھا اجلاس غی صدارت
کر رہیا تھا۔ چیف سیکرٹری نے جموں کشمیر مانہہ آفات تیں متاثرہ افراد غی کمزور
صورتحال غو ذکر کرتا واں کہیو کہ قدرتی آفات تیں متاثر خانداناں غے کول اکثر
حکومتی مدد غے سوائے کوئی بور سہارو نی ہوتو۔ انہاں نے اس گل ور زور دیتا
واں کہیو کہ امدادی رقم تے سہولیات متاثران خانداناں توڑی بغیر کسی تاخیر غے
پُجنی چاہیے تے متعلقہ افسراں نانہہ ہدایت دتی کہ متاثرہ افراد نانہہ امداد فوری
طور ور فراہم کیو جے۔

SONAMARG SNOW FEST

برف تیں ٹھکی چوٹی تے دلچسپ مقابلے غے نال سونامرگ مانہ پہلی واری
سنو کھیڈ تقریب غو انعقاد کیو گیو، جھیڑو سرمائی کھیڈ، اتحاد تے نوجواناں غا
جوش غو مظاہرہ کرے۔ سونامرگ غی دلکش برفانی وادی مانہ منعقد اس تقریب
مانہ فٹ بال، کرکٹ، والی بال، سنو شو، رسی کشی، کھوکھو تے کبڈی جیسا
مقابلہ منعقد ویں غا۔ یاہ تقریب نوجوان خدمات تے کھیڈ بارے محکمہ تے جموں
کشمیر کھیڈ کونسل غا اشتراق سنگ منعقد کیو گیو ہے۔

SNOW MARATHON

ضلع انتظامیہ ڈوڈہ نے بھارتی فوج غی 4 راشٹریہ رانفلز تے بھدرواہ ترقیاتی
اتھارٹی غا اشتراک تیں اج سنو میراتھن، رن فار مارٹرز غو انعقاد کیو۔ بھدرواہ
مانہ چنتا گھاٹی تیں جے گھاٹی توڑی پنج کلو میٹر غی یاہ دوڑ شہداں نانہ
خراج عقیدت پیش کرن تے حُب الوطنی نانہ فروغ دین واسطے منعقد ہو رنی ہے
۔ جس غو موضوع ہے فیل دا سنو فیل دا پرائیڈ ہے۔ تے، شرکاء نانہ تمغہ،
سرٹیفکیٹ تے انعامات دتا جیں گا۔ انتظامیہ نے سنو میراتھن نانہ کامیاب بنان تے
قوم غا بہادر افراد نانہ خراج عقیدت پیش کرن واسطے بے اقدامات کیا ہیں۔

FLORICULTURE RBN

رام بن مانہ فلوریکلچر مشن سکیم غے تحت پھولاں تے آرائشی پوداں غی کاشت
نانہ فروغ دین غا اقدامات جاری ہیں۔ اس پروگرام غو مقصد روایتی فصلاں غے
بجائے زیادہ منافع بخش زراعت نانہ فروغ دینو ہے۔ اس اقدامات غے تحت
کساناں نانہ مفت ہائبرڈ بیج، سائنسی طریقہ سنگ فصل غی پیداوار غی تربیت،
تے فصلاں نانہ نقصان پُجان آلا کیڑاں غا بارا مانہ رہنمائی فراہم کی گئی۔ آرائشی
نرسری سکیم غے تحت، پُهل دار پودا، درخت، جھاڑیں تے دیگر آرائشی پودا
لایا جیں تے فروخت کیا جیں۔ جہڑا کہراں غی خوبصورتی واسطے استعمال کیا
جیں۔ بے نرسری چھوٹا مقامی مرکز تیں لے غے بڑا تجارتی مرکز توڑی قائم ہیں
تے معیاری پودا فراہم کریں۔ اس بارے مزید گل کرتا وان اسٹینٹ فلوریکلچر
آفیسر رام بن پون کمار نے اس طرح کہیو۔-----

WEATHER

بھارتی محکمہ موسمیات نے اج کہیو کہ جموں کشمیر مانہ 26 فروری توڑی موسم
زیادہ تر خشک رہن غا امکان ہیں۔ تے اس دوران کسی وی قسم غی بارش تے
برف باری غی کوئی پیشن گوئی ی ہے۔ محکمہ غے مطابق، پورا خطہ مانہ
مجموعی طور ور موسم پُر سکون رے غو، تاہم کُجھ اُچا پہاڑی علاقاں مانہ
رُک رُک غے ہلکی برف باری
ہوسکے۔ رہائشیاں تے مسافراں نانہ با خبر رہن واسطے کہیو گیو ہے۔ اس بارے
مزید گل کرتا وان محکمہ موسمیات غا ڈائریکٹر مختار احمد نے مزید اس طرح
کہیو۔-----
